

FUTBOLA

Alerta gorria Sadarreko harmailetan


Ezkurak eta Zabalzak lasaitasuna eskatu diete zaletu gorritxoei

Kaitz giroa nagusitu da Irunean Osasunak lacingen kontra hutsean berdindu eta gero. Porrotak alerta gorria piztu zuen harmailetan, eta zaletuek Zabalza eta Ezkuraren kontrako oihuak bota zituzten igandeko partiduen amaieran. Entrenatzaileak eta lehendakariak lasaitasuna eta konfiantza eskatu dute.

J. K. LAKASTA / IRUÑEA

Sadarren, 1986tik estreinako aldiz, entrenatzailearen eta lehendakariaren kontrako oihuak dituzten igandean. Hori dela eta, Zabalzak eta Ezkurak taldearen jokalariekiko konfiantza eskatu zuten atzo eta herenegun, erabakidiren bat dagoenean egiten zuten. Haatik, zaletuen harrera areagotuz doa, taldearekiko konfiantza ahultzen den heinean. Igandeko partiduan Osasunak ez zuen Sadarreko azken partiduetan baino joko txarragoa egin. Baloia, ordea, ez zen sareetara joan, eta zaletuentzat hori erabargaritza gertatu zen. Orain artean pazientzia izan

dute zaletuek, eta halaber, taldearekiko konfiantza. Pazientziak goia jo du, eta lehendakaria eta entrenatzaileari tokatzen zaie orain konponbide egokiak bilatzea. Aldaketa sakonegirik ezin da espero, bata zein besteak egin dituzten adierazpenen arabera. Osasunako entrenatzaile denetik unerik latzenak bizitzen ari da Zabalza, estreinako haren kontrako oihuak aditu baitira Sadarreko harmailetan. Hala eta guztiz ere, herenegun haren kontrako oihukatu zuten zaletuen jarraitari begirune ziola adierazi zuen, eta ildo zuhur berari heldu zion atzo. «Taldea aurrera ateratzea jokalarien eta nire ardura da. Une latzak bizitzen ari gara, eta konfiantza behar dugu». Arrotxapekoak gehiagorik ez zuen esan, gehiago hitz egin bazuen ere. Zaletuek Zabalzaren geroa kolokan jarri bazuten ere, Ezkurak, ohi denez, Zabalzarekiko konfiantza berretsi zuen. «Zaletuen urduritasuna ulertzen dut. Baina lasaitasuna izan behar dugu. Ezin dugu ahaztu non eta nola gauden. Nire ustez, Osasunak ez du mailari eusteko inolako arazorik izan. Liga luzea da, eta nahiko zaila. Entrenatzaileak ongi daki zer egiten duen».



Harmailetatik bere aurkako oihuak entzun ditu Zabalzak, estrainekez.

IRITZIA

INIGO MARKINEZ
Kazetaria



Europa da helburua

Aldiz aurretik ezkilak jotzea ere ez da kontua, euforia ez baita inoiz kontseilari ona izan. Azken urteetan Athleticen benetan 'epelak' jaso izan ditu eta zaletuak atsekabetu ere egin dira. Hala eta guztiz ere, UEFA hitza —madarikatua Bilbon azken denboraldietan zehar— berriro entzuten hasia da zuri-gorrien inguruan. Zuhurrenak interesatuak beraiek dira, entrenatzailea, jokalaria, eta baita zuzendaritza ere. Alde batetik, Heynckesek bizkarra gorde nahi du, eta nahiago du gero lortu ezinako bihur daitekeen helbururik ez ezartzea. Baina jendaurrean onartu ez arren, ziurrenik ametsetan ozenki aterako zaio Europa hitza. Jokalaria dira, ez bairik gabe, Kontinente Zaharrean pentsatzea gehien kostatzen zaienak. Beteranoek, aurreko urteetako porrotekin eskarmentu ederra hartuak, «partiduz partiduz» ez den beste ezer ez dute entzun nahi. Gazteagoek, aurrekoen irakaspenak ondo adituta, «asterik aste» leloaz baino ez dute hitz egin nahi.

Bere aldetik, Zuzendaritza da Europarako txartela lortzeko interes gehien duena. Jose Julian Lertxundi lehendakariak behin baino gehiagotan aipatu izan du, denboraldi honetako kirol proiektua positiboa izanez gero, berriro hautagai izateko aurkeztuko dela. Baina inor ez da ausartu, ez teknikoak, ez jokalaria, ez direktiboak, gai horren gainean zabal hitz egitera. Zaletuak dira, urte gehiegitan nahi baino gehiago sufritu eta gero, nazioarteko txapelketaren inguruko ilusioa berreskuratu dutenak.

Erronka zaila da, baina horregatik ez diogu helburu bat ezartzeari uko egingo. Edozein talde xumek hankaz gora bota ditzake Athleticen ilusio europarrak. Lleida cule-en zelaian Barcelonari irabazteko gauza den Liga zoro honetan, Zaragoza hilotzak Euroteniferi dozena erdikoa egiten dion txapelketan, denetarik gerta daiteke. Eta zergatik ez Athleticen Europarako txartela lortzea? Duela hamar egun Deportivoen kontra, edo joan den asteburuan Sportingean aurka, helburu handiagoak lortzeko hautagai direla erakutsi dute Jupp Heynckesen mutilek. Eta 'inoren esparruan' noraezan ibiltzeko baino gaitasun handiagoa baduela agerian utzi du taldeak. Iragan denboraldiko emaitza itxurosoak Europa izeneko etxearen oinarriak jarri zituen, eta Athleticen aurrean horixe alokatzeko aukera izan lezake. Helbide aldaketa ona litzateke.

Erredakzioan itzulia.

De Pedro: «Pozik, hasieratik jokatu dudalako»

P. Aiestaran / DONOSTIA

Realak berdinketa lortu zuen Logroñesen aurka, joko onik egin gabe. Toshackek aldaketa asko egin zituen hasierako hamaikakoan, baina emaitzak ez ziren espero bezain onak izan. 2-0 aurreratu ostean, Carlos Aizkorren mutilek ondo erreakzioak zuten, eta denboraldian es-

teinakoz, puntu bat eskuratu zuten etxetik kanpo. Toshack bezalaxe, jokalariek guztiak bat etorri ziren arbitroaren lana kritikatzean. Javier de Pedro gazteak debuta egin zuen Realarekin titular modura. Pozik ageri zen entrenatzaileak emandako aukerarekin, baina ez emaitzarekin. «Noski, pozik nago hasieratik jokatu ahal

izan dudalako. Hala ere, berdindu egin dugu, eta horrekin ez nago hain pozik. Arbitroa gaizki egon da, txartela atera dit, baina ez zuen inolako arrazoirik». Estefanok ere ezker lateralean jokatzeo aukera izan zuen, denbora asko jokatu gabe egon eta gero. Zoritzarrez, Logroñesen berdinketa ekarri zuen penaltia-zen jokaldian zerikusia izan zuen.

«Suerte txarra izan dugu. Penaltirik ez da egon, ez diot bultzarik egin. Beharbada ukitu egin dut, bai, baina besterik ez. Hori ez da penaltia». Aurrerantzean ere taldean sartzeko itxaropenik badu Aginagakoak. ««Denbora asko neraman jokatu gabe. Toshack konfiantza jarriko du nigan, eta ea hemendik aurrera ere konfiantza izaten jarraitzen duen».

Athleticekoak berriro ere nagusi dira

Athletic taldeko ordezkariak berriro ere nagusi dira aste honetako gure selekzioan. Bilbotarrek bi puntuak eskuratu zituzten hain orotzape onak dituen Molinonen, eta Ligako lidergoan daude beste bost taldeekin berdinduta. Defentsan bikain aritu ziren zuri-gorriak, eta aurrean gauzak ondo egin zituzten. Beste jokalariek ere hamaikako honetan jokatzeo moduko lana egin zuten. Osasuna eta Realari dagokionez, ez zuten joko onik egin, baina aurrean aritzen direnak izan ziren bietan onenak. Heynckesek entrenatzaileen artean lehen tokian segitzen du.

ASTEKO SELEKZIOA

JARDUNALDIA 12

SAILKAPENA

- 9 ▶ Alkiza
- 8 ▶ Garitano
- 7 ▶ Carlos Garcia Eskurza
- 6 ▶ Edu Larrainzar II
- 5 ▶ Unanua Spasic Ziober Ziganda Valencia
- 4 ▶ Andrinua Pikabea Larrazabal
- 3 ▶ Carlos Xavier Estibariz Alberto Luis Perez Lumbreras Bustingorri Fuentes Guerrero Urrutia Staniek Kodro Lakabeg
- 7 ▶ Jupp Heynckes
- 3 ▶ John Toshack
- 2 ▶ P. M. Zabalza

VALENCIA
(5)

LAKABEG
(3)

PEPIN
(2)

LARRAINZAR II
(6)

LARRAZABAL
(4)

SANCHEZ JARA
(2)

GARITANO
(8)

ALKIZA
(9)

KODRO
(3)

ZIOBER
(5)

ZIGANDA
(5)

JUPP HEYNCKES
(7)

Parentesi artean jokalariek bakoitzak izan dituen agerraldiak.